

Aruba Table Tennis Association a scoge nan directiva nobo

ORANJESTAD - Conforme su statuto, diamars 6 di november 2012 Aruba Table Tennis Association (ATTA) a organisa su Asamblea General cu solamente un topico riba agenda cual ta e votacion pa directiva nobo.

Pa e funcion di presidente, e miembronan unanimamente a reeligi e hoben di 29 aña Sue-Ann Leong.

Sue-Ann a fungi como presidente desde october 2011 despues cu e presidente saliente pa motibonan personal



Directiva nobo di ATTA.

no por a caba cu su dos añanan di directiva.

Pa e funcion di Secretaria, ATTA ta yama bon bini na un ex atleta Lillian Thode Werleman.

Algun siman prome cu e Asamblea General, ex Tesorero a tuma su retiro. Dia 6 di november e miembronan a dicidi cu nan ta contento cu Celina y a vota pa Celina bira e tesorero oficial di ATTA.

E directiva ta consisti tambe di dos comisario. Uno ta Jeandira Hoek y cu apoyo di e miem-

bronan Jeandira ta wordo eligi como comisario.

Y e otro comisario cu a ser reeligi den directiva, ta e conoedo Andy Gomes.

Den e comunidad di Aruba Andy ta conoci pa su talento den e deporte aki como deportista.

Pero Andy pa añanan largo a sostene e directiva como comisario.

Hopi exito ta bay na e directiva 2012-2014 di Aruba Table Tennis Association. □